庫全書

子部

致定四庫全書 草木子縣

子部

詳校官中書臣沈鳳輝 員外郎臣牛於文覆勘

校對官中書臣王 覆校官中書臣汪學金 **腾録監生臣王**


宫

璃

大王中国人 欽定四庫全書 草木子 提要 太元本古已著録考子奇所著諸書有範通 要各十卷齊東野語三卷又餘録若干卷紀 元季明初事最詳今惟太元本古及此書存 元理二卷詩十六卷文二十卷本草醫書節 臣等謹案草木子四卷明葉子奇撰子奇有 单木子 子部十 雜家類三雜說之屬

多为四月五十 每二篇為一卷即此本也善夫序又云蒨 原道曰鉤元曰克謹曰雜志曰談數曰雜组 知福州重刻之約為八篇曰管窺曰觀物曰 六卷不當為八卷野語今無別本無由 質 此四卷已合野語為一書然四卷二卷當為 今纂 為四野語今纂為二併曰草木子則 此書黃東序云二十二篇鄭善夫序又云 人篇正德丙子其裔孫溥以南京御史出 F 提要 本 化人

とこりりんき 逮繫之歲此書蓋其獄中所作云乾隆四十 史之論為平允也書前有子奇自序題戊午 相掩子奇乃竟斥之為邪臣則不若宋濂元 北水田造至正交鈔求禹河故道功過各不 文地紀人事物理一一分析頗多微義其論 元代故事亦頗詳核惟賈魯勘托克托開河 異同莫之詳也子奇學有淵源故其書自天 一月乃洪武十一年即子奇罷巴陵主簿 草木子



处三司奉 经支篇	原道篇	卷二	觀物篇	管窺篇	卷一	草木子目録	欽定四庫全書
单木子							

金灯四月月十 卷四 雜俎篇 目録

祭羣吏於後竊飲猪腦酒縣學生發其事吏懼况象為 草木子原序 · 聚於獄恐一旦身先朝露與草木同腐實切悲之因思 之言别生復言於分泉余適至學亦以株連而就逮幽 洪武戊午春有司以令甲於二月望致祭於城隍神未 虞卿以窮愁而者書左丘以失明厥有國語馬遷以腐 刑厥有史記是皆均愤難以攄其思志庶幾托空名於 火已日車 公馬 地之間也圖中獨坐開而無事見有舊籤簿爛碎 草木子

以瓦研墨遇有所得即書之日積月累忽然滿卷然其 金ダビアとう 髙下理義之淺深雖不敢比倫於數子出於窮愁疾痛 而用心則 畫模糊畧辨而已及事得釋歸而續成之因號曰並 奇世傑序 **歲次戊午冬十** 一後之覽者議尊而青黄以文之未可知也奪 之斷亦未可知也容非必之乎故語才識之 也千慮一得尚期窮理者擇馬洪武十 一月二十又七日括蒼龍泉靜

於定四東全書 関 ·单木子 30.8 1 (1) (M.) Separate Annual Control of the Contr DF 無窮馬 撰

南北二極所以定子午之位歷家因二極而立赤道所 其質最大故居後蓋土所以成始而成終者也 道瓜之腰圍也指南針所以通二極之氣也 以定卯酉之位北極瓜之蒂也南極瓜之攢花處也亦 月之九道又自月行之道也 赤道為天之腰圍正當天之濶處黃道自是日行之道 洪範五行之生成以微著為漸次蓋以数言之也水火 氣 也故 徴 木金形也故著四行莫不待土以生成馬 ゼルとう

廣少 天度本無廣少之分由渾法分天而有斜長之處始分

髙愈清愈勁愈光明而無窮矣或人見天裂處見其霞 光閃爍於此足以知之矣 天如勁風旋轉局大塊於中吾恐日月星辰之上則愈

崑崙天下山之頂也廼天下山之至髙處山之起勢處

域諸國也自流沙以西水皆西流也南自吐蕃兩廣水 其東面中原也所以江淮河濟水皆東流也其西面西

た已习巨 A 5

单木子

陰山之地反為極南之境矣以此觀之地形如! 皆南趨也北即沙漠又天下尚脊至髙之處直北虎林 國土考其流水可見必皆會同於四海 至海都木鉢子田地地勢又逐漸而低水皆北流南視 鱼河四月月 大陽宗故日最盛是以日常員而月則缺也地陰宗故 以氣言故無窮地以形言故有盡 -髙而四方下崑崙乃其結頂處四下之簷乃四方之 風是以水常 滿而火則伏也 一亭子

次定四華·公馬 明 久莫知其所以然而然也故不測馬 南為陽北為陰水以北為陽南為陰亦對待之理也 今無息也此天地之道所以為物不貳也及其生物並 天動而無靜亘古亘今無息也地靜而無動亦亘古亘 天南為陽比為隂地北為陽南為隂對待之理也山以 包含编覆無非天也天包水水承地地載萬物 天主神地主鬼神主伸鬼主屈伸主聚屈主散此二者 以生萬物死萬物之大端也

天之生物匪物物刻而雕之也而世之善雕刻者莫能 天道不以理言則歸於幻妄耳 亦氣動之耳 此其所以為妙也 依形地附氣天地自相依附康節之言盡之矣 即天也自地而上 其位則萬物莫不循其常也一或有失則為灾 |無非空也即天也地間亦有動

也 地為陰故火隱而不現擊石有火至剛而後生也兩木 天為陽宗故風火在上地為陰統故水土在下 冬屬水而一陽已生於冬夏屬火而一陰已生於夏此 相摩則火至動而後生也剛動皆陽也 天裂時火光現陽精之極也地裂時泉水溢陰精 無於木石也有聲無形雷霆也有形有聲人物 無聲鬼神也

欠已习巨公号 明

草木子

木之所以不互根也 水生於北方陰位而陽已生火生於南方陽位而陰已 索問樞式曰水自西而東流也西金位也故曰金生水 金者石中之精液水出石中故曰金生水也 故水火互根也木生於陽方陽時金生於陰方陰時 説也 無所生故金木不互根也

多分以后看重

)所互根也春木秋金而非陰陽始生之月此金

見也 聖人作八卦以之配五行水火純乎氣者也而無所 光盛於金水也 之 象亦可見也 火外明而內暗根陰也水外暗而內明根陽也二物之 日外光照影在外金水內明照影在內陽施而陰受 陽根陰離中虚也水陰根陽坎中滿也於卦象亦可 理也月亦受光於日而含內影而照物亦影在外者

次記四車全書 一

华木子

邵子曰日食月以精月食日以形是以君子用智小人 甚矣精之不可以二也竊料太陽乃火之精其氣亦類 用力此见君臣之理也 又曰月受日之光不受日之精相望中弦則光為之食 卦配之乾剛金兒柔金震陽木異陰木艮高土坤甲 間之火也火正當無談之上必有黑暈觀之燈燭 **卦配金木上有陰陽剛柔之質故谷以** 沙巴四草全 多不同也日之食月闇虚之精大故食時辰多月之食 見之其分數皆不同由日食月以精其所虧之分其明 對以月正對此黑暈之中所以食也 日其形小故食時辰小 月食時辰多天下見之其分数皆同日食時辰少天下 下則分數同及側遠望之則分數或少或多所以天下 全盡所以天下皆同也月食日以形其虧之分正當其 可見星家謂之闇虚想即此也受光則稍偏受精則正 草木于

彗星之生在東則西指在西則東指由其從日生也 列宿所以定經天之體七曜所以布四時之政 月食陰抗陽而不勝猶可言也日食陰掩陽而勝之 白史或書畫見或書經天盖已時當两位則為經 為其常彼日而食於何不臧即取此義 言也是以春秋書日食而不書月食詩云此月而食 ?"當君禍尤大也其餘方位則止書畫見也 又有東西偏掃者又其發也

西出也可謂因象而及理矣 見星半見而半不見尊早之等也天為父日為子是以 列星之為象也在朝泉官在人象事在野象物各凶其 天左旋而日右行也日為夫月為婦是以日東生而月 康節邵子曰天晝夜常見日見於晝月見於夜而半不

飲定四車全書

而不言木金蓋木乃と

|之華金乃石之精也是知康節

日月星辰天之四泉水火土石地之四泉康節言土石

變而占馬

風陽也故其氣清通而無形雲陰也故其氣昏濁而可 風露能生物亦能殺物順陰陽之氣也 風雨雲霧雷天之用也吹喷嘘呵呼人之用也天人 雨濛石雨雹水風温火風熱土風和石風冽水霧 也但有小大之差耳 以體數言也 推雨風露雷而分水火土石曰水雨霖火雨滴土

文EDE 15 地居天之中地平不當天之半地上天多地下天少 寒而井水温也 霧赤土霧黃石霧白水雷靈火雷虩土雷連石雷塵 日初出時見日大宜當熱而尚寒凉者陰凝而陽 以日出落時見日大近人也日中天時見日小遠く 日在地時多敌地熱而井水寒也日在地上時少 雪寒在上故髙山多雪霜寒在下故平地多霜 五星在天髙則景小低則景大素問安然 草木子 是

氣之不及處爾日漸長故暖日極長則熱矣日漸短故 日為衆陽之宗故其暖熟之氣皆出乎日也凉寒則 此觀之南北寒熱亦由於日也 而除已消也申未執愈於午者陽尤積盛故也 多为四月百量 凉日極短則寒矣暖則陽氣之盛也而極則斯熱凉 夏日雖北行朔北直當陰山之背處日光斜及故寒由 廣海冬熟由冬日南行正當戴日之下故熱朔北夏寒 也日中天時見日小宜寒凉而反漸暖漸熱者陽積盛 H

盛之沈於寒泉則水此雹之理雪積而日炙之先必為 次已日東 A 写 山川之氣積為列星光芒輝焕精之盛也精耗神 也此説固然乃常理也然北方蕭山亦有凉火也 康節云世有温泉而無凉火蓋陰能從陽陽不能從陰 後此霰之理也 也是以春秋書電而不書霰以人事驗之沸湯以器密 **陰脅陽而為雹沴氣也陰凝而未盡勝陽則為霰正氣** 除氣之盛也而極則斯寒

单木子

主之地則為災海水不潮亦水脈絕也 星陨精氣竭也川竭水脈絕也山崩地脈絕也當其所 則為陨 星自天横飛而過則為流自下復上則為奔自上而下 是乎有陨星 海潮天地之喘息也天有畫夜故潮有朝沙隨月進 金グビルノー 其類也 短則多寒寒熱進退皆由於日也月 退

欠已日臣 Lis 始復之理可見 世間特一 蘋 南而萬物死斗日互行而成歲功也 之先水日止一 西流潮之大小隨長短星不係月之盛衰豈不異哉 則潮盛月虧則潮衰潮汐進退皆由於月也 外録江浙之潮自有定候欽庶之潮則朔望大潮謂 南而萬物生一比而萬物死日 陽氣之周流爾陽氣不及之處則為陰觀之 一潮謂之小水瓊海之潮半月東流半月 草木子 北而萬 物生

月因日而有晦朔弦望而道疾不山日而由李也五星 日而不及天一度斗日 日與天會為歲月與日會為月日行地盤一 金好四月百十 月而徧一宫月一月而徧十三宫而復追及於日而 隨天而左旋故一 因日而有運留伏逆 一月也 八宿萬古不移所以定天之體而分十二宮也 日而進一度日退天而右轉故 一周而成一歲也 位為時 Ð

時日與辰會法也故時有十二日有三十月有十 成一百刻也刻分初正由子午中分天運盖子初四刻 有刻之名也 猶屬本日正四刻始作明日第也由銅漏刻之於籤故 歲日與天會法也月日與月會法也日日與度會法也 刻乃歷家自細分之耳每時刻八刻六分刻之二共

たこりる とよう

有三百六十

晦朝弦望皆因於日也晦月與日會全無光也朝會而

草木子

四分天之二也 復蘇也弦有上下相去四分天之一也望則相對相 氣盈於三百六十五朔虚於三百五十四合氣盈朔盈 各為三百六十也 而閏生馬 計五日故候有七十二日氣有二十四節有八時有四 時計九十日每節計四十五日每氣一十五日每候 九年七閏而氣朔分齊 而特餘三時爾是為一

金质四层全重

餘分也 炎包可華 全事 四 全日 時有春夏秋冬風有東西南北是亦風氣 四十朔故以二百三十五闢為三時以九百四十閣 歲日與天會之法也以節氣為定年月與日會之法也 日是以合四章而為 朔望為定故年必以元旦歲則有后先也交於立春 十二時 部凡為四章四三 章該二百三十五朔 草木子 都故四三一十二而朔亦 一合三時復得 都該九百 周而成

地之工或幾於熄矣故色為之目聲為之耳香為之 歲也然恒風不應而有休廢之氣是則時政之失而廢 天常也於是而有風角之占馬 **啄為之口此天人之所以交也人則得其正者也物則 歳差法見天道自古及今日漸不同也歴家但拘常** 天生萬物有色聲香味使無目耳鼻口以收攝之則天 觀物篇 以誤馬隨時修改以與天合元歷得之矣

沙宝四年全首 一 則全 是也然人稟其氣之濁且塞者則亦有偏者也惟聖賢 則惟心可以通之人則可以貴全體物則局於 氣之祭以眉血之榮以髮形之所以立也必資於筋骨 物之偏者如蜂蟻君臣虎狼父子雎鸠有别豺獺報本 鹿食薦蝍蛆甘帯數者孰知天下之正味哉至於義理 夫人形之所以生也必資於精氣血三者精之榮以鬚 草木子 圭 一偏也

偏馬此其所以靈於萬物也如蠅攻臭穢鴟鴉嗜鼠麋

在下 邵子曰形統於首神統於目氣統於唇 陽物之靈也故能化火龍陰物之靈也故能化水 皆陽也故輕捷而在上猪狗四足皆陰也故奔突而 根順地而升 陽也故指長足陰也故指短上陽下陰 物本諸天所以頭順天而呼吸以氣植物本諸地所 者骨之餘也齒筋之餘也爪肉之餘 故動物取氣於天而來載以地 人也猿猴 b 四

设定四車全書 · 皆以為人血氣之變殊失其旨矣 素問又曰根於內者命曰神機神去則機息根於外者 謂也 器有小大數有遠近蓋謂此也 命曰氣立氣止則化滅亦指動植之物而言之啓玄子 則神機化滅升降廢則氣立孤危無不出入無不升降 植 物取津於地而生養以天善乎素問之言曰出入廢 物本諸天而體則温植物本諸地而體則冷陰陽之 单木子 中四

矣是陸又贵於濕矣化生者非胎非卵隨氣化而成其 貴於卯生也卯而陸生目能開閉卯而濕生者則不能 植物去皮則死氣在外也動物傷內則死神在中也 此造物為之制也敷 獸之性情禽獸之性情不如人之性情 順生草木倒生禽獸横生大抵草木之性情不如禽 有贵晚乎曰有也胎生者九竅卯生者八竅是胎生 抵人則女魔而艷禽則雄絲而文獸則不甚相較也

į

飲定四車全書 四 佛氏以胎卵濕化四者窮推萬類之生生又以有無色 鱗虫皆卯生也獨海溪胎生故其為魚也最巨 謂之萬不可勝窮也不分而異不免乎四者之其欲合 芝菌化生也此植物亦有四種之異也雖然號物之數 而活者胎生類也以實而產者卵生類也荷炎濕生也 其也曰植物亦以此而推之可乎曰可也夫草木可棟 同須究其一原之同此學者所當思也 物益微矣是濕又貴於化生也此動物有此四種之 草木子 **十**五

胎生者眼胞自上而瞑 時也若無想是為蛹為蟻時也若非有想若非 **積重似卵白似血片似動非動似生非生之屬是也** 物又極微極 六者窮推萬類之情識蓋有色是有牝壮之屬鳩鴿 也無色是無雌雄之屬螺蚌是也若有想是為蠶為 **氏論說生類可** 細其情識在乎恍惚渺茫之間如人身 謂窮深極般失 卵生者眼胞自下而腹濕生者 不寐化生者眼無竅惟有 無想

-

宰處 火巴马車山馬 至贱也 草木一菱之細 **垂魚之子與草木之子一生即干百者以其為物至微** 爾又其微也蛤蚌則無目也益末矣 有斷折及其萌蘖再出則為元花元菓此見造物之主 傳花接東當接傅之上則為是花是東當接傳之下或 年而不變其根幹有生死其神之傅初未嘗死也 核之微其色香葩葉相傅而生也經 草木子 ナガ

世謂海崇無香西蜀潼川府路所屬昌州而海崇獨有 用也 ·故昌州號曰海棠香國州治前有香霏閣每花或o 眉 餘葉香氣醲郁 氣類萬古不移此主宰所以謂之帝也 及其再生一 核之微而色香臭味花雷 生虫木水土之中生虫至多固其影 相肖此造物所以顯諸仁而藏 枝葉無不具於

金为正压石量

克包目在 · 写 由風化使然 至於火中生更則火鼠也極南方有之其毛以為火 著儒門事親書言見民家一鐵鍋底上起 生蛆其大如瓠比人謂之雪蛆味極甘美張子和醫者 布而大南難亦食火也陰山以扎積雪歷世不消其中 邵康節云魚水族也虫風族也故虫皆由風化尋常榛)類外殼完固而虫已長於腹中豈是外物遺種當 紅虫其走如飛其嘴至硬是金鐵中亦有重也 单木子 鐵泡鎚破 +

喘蝡之虫多蛾生也翹蛸之物多水垂生也 世間小虫如一 **蟲風族也魚水族也介虫石之族也是以螺蠣多附** 目動静食息無不皆具此可以見天命之流行無 江之水族如揚子大江族類各有所限江鄉至潯陽則 或遺無쒽之不 有之其理猶鸜鵒不踰濟貉踰淮而死當由地氣使然 鱼火口压己 **鮄魚至鴨欄磯則少麵條魚惟城陵磯冬至前後始** 絲半栗之細以至目不可辯而手足

次記日車全等 人 鼠是也介重有蟄龜鱉是也夫蟄物又造物減其半功 鱗虫有蟄龍蛇是也羽虫有塾鶯燕是也毛虫有塾黃 蝤蠐蚯蚓土族也故土居而土食 林棲之羽似葉草宿之毛似草亦從其類也 礜石盤食之則肥鼠食之則死氣感各異也 甲垂木之族也螢腐草生也車羊腐木生也皆食於草 石從其類也 而附於草木亦從其類也 草木子

脱矣 石决明海中大螺也生於南海崖石之上海人 南海中秋有月則蚌胎生珠無月則否也 東其不知用手)故其用不能全 善聽狼善视狐善疑駱駞善知泉炙善知地虚實澣 踮 以灰濯錦以魚洗金以鹽 於 榜則得尚其覺知雖用於鑿亦不 為陰馬之卧也起則自前足牛 沿水 取

金グログノニ

鳥頭具 **灾定四車全勢** 螺蛳胎生類也鼉蜮走類也蛙眶倮虫類也計必有海 水中 郡 卧 陰鳥之雅也頭縮而足伸陽鳥之雅也頭伸而足縮 蝦藍類也石虱風類也石醬藍類也龜萬甲 也起 雖有耳而聽以鼻龜雖有鼻而息以耳 必細 曰陸生之物水中必具猶形之於影也巨於陸者 魚 則自後足 頭大餘飲 細於陸者水中必巨令試推之魚飛鳥類也 大 此長 单木子 推魚之短 龍蝘蜓類也蝌蜘蛛 - 垂類 頫

之水亦有人類也但幽明相隔不可相知耳觀温太真 而坐至則戒舟人寂然不動少頃復沈水否則大風翻 當間海賈云南海時有海人出形如僧人頗小登舟 細察之有情點然有足纖然有特隆然善止善行 有垂子嘗使明視者針而得之其大不能以半果也 渚燃犀事理亦可見 官狀紅袍王帯略無畏怖之容經三時始沒由此觀 又大金時有龍見燕京舊塘樂手托一嬰兒如少年

金グロ

五人二世

能好也能畏也能就也能避也能饑也能飽也能動 **处巴口巨 二手** 者 能静也能佚也能勞也能吸也能噓也八竅之具神 能遗之種凶人氣血之不和乃化而生馬及其既生也 之用未始有一之不足者馬未始有一之不能者馬 其形也有大小也是其理有大小乎世必有能辯之 可以觀性命之理矣於此可以觀造化之妙矣雖然 草木子

且横寄竊計其為虫也人之膚单完全也必非外物

小者有長者有短者有厚者有薄者有圓者有匾者有 魚有骨在內者有骨在外者有多骨者有少骨者有無 者萬不同也然其所同者蓋水也草木之葉有大者有 失者有懸者有花鏤者亦萬不同也然其所同者均含 不能颉颃也由此觀之物皆以智相制不獨以力也 及也崖鶻能搏鶬鷩而不能得飛鴿非其飛不能及也 應鸇能搏駕鴈而反受逐於鶺鴒非其力不及也智不 生意也兹可以求萬物之一原者乎

金罗巴尼 有量

火記回車在等 一人 精龜之異以殼故可卜而先知犀之異以角故學星蚌 凡物得氣之盛者必有異於物龍之異以骨故能吸氣 物 之異以甲故可器鯊魚胎生也其異以皮故可鞘麟 瘵猩猩之異以血故可染物而不渝又能知往也玳瑁 角叉獨皮褁而可補食獺之異以肝故月生葉而可祛 E)異以珠故胎月麝之異以臍故香可通關鹿之異以 蝦也 有相資以生者環結腹蟹也物有相待以動者水母 节木子

得五行秀中之至秀者馬其必有異於人也蝦 以觥是皆有異於物而得氣之風者也故聖人之生也 或問之草木子曰物固有知乎曰有之知乎知不知乎 莆陽鄭先生厚云 有物命一物一 鳳觜也其異以膠可以續斷弦以至象以牙翠以羽魚 之自生自死是也萬民一 知曰物固有能乎曰有之能乎能不能乎不能曰物 一命也有國命萬民一命也一 命屠城坑卒是也此説聞之

固有 欠日日年上 **鳫順陰陽而南北魚順陰陽而上下鶯** 藏可以意授不可以言傳也 能者乎曰有之也且之知也之能也知者不自能知也 會知康莊矣曰固有知而不可得而知能而不可得 水魚不瞑土虫不息 文章之觀固嘗知文章矣痿者無以與乎康莊之途固 知知能者不自能能也有能能蓋語不能顯默不能 知而不能能而不知者乎曰有之瞽者無以與乎 7 草木子 燕地蛙順陰 Ŧ

蘇浮水面能沈水底即游水中 而出 腰蜂茧是也 有 金切正正 却 性叮齊乎曰不可也曰何也子獨不見乎物有直行 狗馬是也有曲行者她 雌 蝉是也有 行者變踵考也有兩頭行者率 而無雄其名大腰龜驚是也有雄而無雌其名 1 巷 腹縮縮循行 蚓是也有横行者郭索是 然是也有屈伸 細

欽定四庫全書 四 花有實者有如桃李乎亦有有花無實者有如朝萱乎 無葉無枝者豨苓茯苓馬勃是也不獨此也固亦有有 龍與騰地是也是其形既與不能不與之變豈非形動 是固然矣間以有異飛者矣得非鷹鸇乎間以有異而 夫物之植者有然乎曰有之有有葉有枝者松柏是也 而天随者乎之諸蟲也又何知 不飛者矣得非鴨為乎未聞以無翼飛者馬然亦有之 有有葉無枝者荷於是也有無葉有枝者木賊是也有 单木子 圭

者馬固有其物也且此物也可以衣被生靈有大功於 切王是金之至精者也沈香遇水即沈是木之至精者 冷泉錫器盛之則漏是水之至精者也昆吾之刀可 食萬物雖然人能食物又能理物故可與天地參馬中 **強風至微也天地生之以食人人至靈也天地生之** 天下獨與羣物與也而人莫得而知之 也 金 有無花無實者有如於後乎然則豈無有實而無花 剛鑽可以鑽石是石之至精者也故物之至精

火ビコ巨上島 故善取蠹鸚鵡舌似人故能言一受其成形故不待 也百古合百舌而成一舌故善變聲啄木舌端有棘針 萬物既生如是形矣其為技也有不待教而後能且鳥 飛之至高者鶴也鵠也天鵝也鷹鸇也餘皆下風 鹤糞可以化石成塵龜尿可以和墨寫字入石蟾酥 物既皆有之人獨無乎哉人之精也者聖人也 必有異乎物以此推之物之精者水有金有木有石有 以潤玉可割是皆氣物之相感制 单木子 五 b

蛛六足也螃蝌八足也螂蛆四十足也蛇百足也带 妙矣哉造物之生羣動也隨大隨 而後能 無所待於外也是故夔一 足也無者不資於多而後行多者不見其多而反遲 金グロルノー 無故曰惟重能重惟重能天 動其天機不言而喻多者不見其為有少者不見 馬也鋤人牛也丹人魚也 足也人兩足也馬四足也蜘 小無不各自取足馬

見日日日日 觀物者所以玩心於其物之意也是故於益 歸之 莊子曰百昌皆生於土皆歸於土此土者所以始萬 而終萬物者也 八非也 牛鼻人而天也莊 觀無息 孟

草木子卷一					金分四月五十
					F
					卷.
				Min 17th The makes	

大巴田田 白馬 咸恒 道以 為傳心之典也 堯舜傳心以中周孔論易以元武箕作範以極孔曾傳 欽定四庫全書 草木子卷二 |經氣化之始也故首乾坤下經形化之始也故重 原道篇 思孟語德以誠皆聖賢講道會要之總名所以 草木子 明 葉子奇 撰

乾取象於龍以其具天之用也坤取象於北馬以其行 地無疆也 應故問馬而以言其受命也如響莫測其所以然之妙 在易則渾然 國得詩書之傳通之者始知其人世古今四夷之 秋刑書也易筮卜 目有所不及皆不能知尚同洪荒之世也 理在人則湛然 書也春秋言人事易言天道天 心以是心感以是 國

多为巴屋马量

因天下以存諸國 春秋書日有食之綱目止書日食從省文也 春秋魯國之史也因一國以見天下綱目天下之史也 之道一也莊子曰易以道陰陽春秋以道名分

炎巴马草 白書

草木子

天地之和應之矣今之世安得知禮樂大意之人與之

古人云心和則形和形和則氣和氣和則聲和聲和則

大抵樂惟取其和後世樂多悲壯所以不善

禮有容樂有聲聲陽也容陰也聲容交而天地熹合矣

倫該必得中和之調豈不勝於致詳致荒而甘用世俗 遺器底得其聲之近若今道家金鐘王磬及琴笙損笼 禮樂情文之盛哉 金ダビル 俗樂多胡樂也聲皆宏大雄厲古樂聲時平和 樂也 屬皆古之遺罷也以協其聲使與草木之類毋相奪 調且因今之曲調而詣之以雅辭庶乎音韻和而歌 /定律吕以考中聲追今罕得其真莫若因古人之 41-11-1 Ţ, 九巴马馬在馬 綱目真經世之大典也 周子曰樂释淡則聽心平樂辭善則歌者慕故風移而 俗易也妖聲艷辭之化人也亦然此不易之確論也 **今之世反古之道為失** 用禮器祭今人自宜用今器使各安其性也庶免生乎 古之父子爵既不同禮即異数由此推之祭古人自宜 舌则得矣毋但泥古而廢之而長 用胡樂也 单木子 論也

綱目有湯武之時者三秦新隋皆以大義絶之夫人得 書莽大夫揚雄死所以病楊子也然為莽大夫者不知 書以褒之所以賢之也 書大丞相帥師伐魏所以正統也書晉處士陶潛卒特 其幾不書又所以因貶而見褒也 而討之也故書兵起而不書叛 書唐五王為武三思所殺畿五王之失刑也書周太師 **晋今瀛王馮道卒任之重者责之深也**

金为四月石量

奉春雨盖言對時有物之心樂而得其所也 或問伊尹耕於有華之野以樂堯舜之道答曰耕破 孔門問仁夫子答之各不同雖各因其材而寫馬正夫 火ビの車と写 準問之天下而準所謂天下莫不與也由此言之放之 天下歸仁朱子訓歸為與字或者沒其說愚謂為人 子之泛應曲當處用各不同所謂貴也然仁乃仁體之 歟 事合天理問之家而準問之鄉而準問之國而 单木子

荒皆在我閱讀之氣泉雖豁然可喜事理則注然無據 考諸三王建諸天地質諸鬼神百世以俟聖人而不緣 海而华放之西海而华放之南海而华放之北海而华 浴沂氣泉見聖賢超然於萬物之表逍遙脫酒處又 天而準放之地而準放之古而準放之今而準放之 **悖無疑不感者也此則與字可通之理也若謂克** 此便是堯舜氣象何也曰飯糗茹草若將終身及為 **皆困於吾仁之中如吕與叔克己齊銘云洞然**

多为口匠石言

发記日長在馬 格物是夢覺關誠意是人鬼關 大學乃設教之書朱子則憂百家之亂治中庸乃傅 實非也歲自當以夏時為正 説文以步戍為歲此附會秦以建亥為水正之説也然 推其效驗之次序 之書朱子獨憂二氏之亂真深玩序文可見 天子若固有之何有一毫滞礙 大學六先字所以逆推其工夫之端緒七后字所以順 华木子

德也達德所以行達道也 孝弟慈三者大學之言達道知仁勇三者中庸之言達 致盡心之功可謂知行兩進矣 莊靜一之中以為窮理之本窮之於學問思辨之際以 恂慄威儀是明明德之止於至善親賢樂利是言新民 程子曰涵養須用敬進學則在致知朱子曰存之於端 金分に石石量 之止於至善至善乃大學一書之標的曾子傳心之要

中庸是直指人心見性之書中和是就人心上指示中 要在於絜矩則上下大小皆平矣 上下皆安財得其理則大小皆足此天下所以平也其 平天下章反覆以用人理財兩者為說蓋用得其人 不能不失其平也 察及其應物遂至於欲動情勝用之所行每過於分數 之雜矣惟恐人於忿懼好患等意思留滞在心而不能 正心章不言私之害公邪之害正盖意既誠自無私邪 則

次已日草全島 明

草木子

中者不偏不倚無過不及天然之體也庸者亘古亘今 以然 事萬物之理知是識其理之所當然覺是悟其理之所 事無德行物通攸我 不遷不變當然之道也 心之虚靈知覺虚是能包萬事萬物之理靈是能通花 庸是就人事上 實理之原也性其在物之實體道其當然之實用 | 指示費 隱是就人物上指示心統性

金グロアとこ

戒懼是存養工夫是於至靜之中存天理之本然是致 道不可離由其自本自根無物不有無時不然也 馬猶命令也此蓋本太極圖之說而約言之也 朱子言天以陰陽五行化生萬物氣以成形而理亦賦 而教也者又因性道之實而品節之也 君子致中和而成位育之功者此道通乎上下天子有 欲於將萌是致其致和之功也 其致中之功也謹獨乃省察工夫是於情動之時遏人

大巴口臣在馬 一

单木子

順則天地之氣亦順是致和之功效也 家之天地萬物庶民有一身之天地萬物由其分有崇 吾之心正則天地之心亦正是致中之功效也吾之氣 天下之天地萬物諸侯有一國之天地萬物大夫有 多りとりんご 战其功有大小 和以性情言之中庸以德行言之费隱又以人物)此理之無乎不在信手拈來頭頭皆是吁其妙矣

次足四草全 此理之無物不體也 物不在也鬼神就無形無影 費隱是在人在物上看此理因用以原體見此理之無 先言徴而後言顯 過不及而並言之故曰中庸之中實魚中和之義 物明而可見故先說費而後說隱鬼神幽而難 對和則中為靜而和為動故止以不偏不倚釋之中 則庸為常而中則該動静二義故以不偏不倚無 上看此理由微而驗顯見

戚君也 已處其絕人倫去人事始謂之 喪服自期已 郊社所以祀天地是天子 禮也蓋諸侯之贵大夫不得以屬籍通故大夫不得屬)下諸侯絕大夫降此自周公制此贵贵之 辨道矣其慮可不謂遠 小廟所以祭祖先是

之為道而遠人子思言此之

國

是聖人猶與天為二知天地之化育是於天道有默契 盡性致中也盡人物之性致和也經綸大經致和也立 馬是聖人與天為 至誠是由此道之極其實至聖是造此理之極其至故 私意自蔽則局乎其小矣故不廣大私欲自累則早 天下之大本致中也赞天地之化育是以人而參贊之 曰至誠之道非至聖莫能知至聖之徳非至誠莫能為 do. 单木子

足正可見 公子

孟子言勿正勿忘此養氣之節制也正是用心大過忘 一然是不能集義剛是浩然之氣 或問浩然之氣答曰一片花雅滅却春蓋言浩然是無 祖述憲章是道贯乎古今上律下襲是道該平穹壤 其汚矣故不髙明 剑灯四周左言 虧欠時也 無彼此之别則聖人乃與天為 湖尚有彼此之别則聖人尚與天為二其天淵更

時 是不用心 孟子夜氣之説是水静而清時浩然之氣是水盛而大

道無定形也

髙不可貶甲不可抗道有定體也語不能顯點不能藏

周子曰無極而太極無極是無有方體就萬物統體言

人極是會其要領就

物根抵言之無無極則太極

無所本無太極則無極無所寓

次足四車全書 一

单木子

緼吾以觀其始正其命 無思虛之極無為靜之篤虛則理明靜則性定陰陽網 後天也先天體也後天用也先天惟湛然 無思也無為也寂而不動先天也感而遂通天下之故 太極圖性命書也西銘理一 易是巳入用之書故多説剛柔少説陰陽 天始有形象之可言先天是未用也至後天始入用爾 應外制外養中之訓也 グロガノニ 分殊之義也四勿箴由中 理耳至後

虚所以具眾理靈所以應萬事不味所以為明也 知者心之神明寂而常覺動而常定非不動不靜也溥 陰陽合一存乎道仁智合一存乎聖內外合 地沖氣所以能生萬物也沖氣所以為和也 物是小天地 天有風雨雲霧雷人有吹喷嘘呵呼天地是大萬以 而無容心馬可也欲盡流注其可得乎 一存乎誠

火包切尾公野

单木子

明天地之性者不可惡以神怪

誠者理之實元者善之長一 誠天道性天德 多以口口人自 全德也孔門傳道以仁大學言道以善中庸原道以性 類此君子所以貴窮理也 人之影死者生之終 禹理之総名也性者萬理之全體也仁者萬理之 **源耳目口鼻** /極則也 者數之始中者物之心極 欲是也道心是原

之變為輪迴未之思也 程子曰不必以既屈之氣復為方仲之氣或者指游魂 因粗而精因器而詳此古今之用智而得其正也因精 古今分於一息人物同於 運為之變更也 新故事物為之今古也得失人事為之存亡也治亂世 義禮智之性是也 批因詳而荒此古今之用智而失其中也 原

火ビヨ巨丘馬

+

横浦之學以覺為性曰覺之一字東妙之門是止認智 老之似以亂孔孟之真假仁義之言以濟功利之實 張子曰風雷有象不疾於心所謂潛天而天潛地而地 淶水之學可謂博極羣言純乎實踐 私欲未為病纔涉於思即是害事全似告子 為性金谿之學曰收歛精神自作主宰有何欠缺至於 也心嗣見聞不弘於性所謂人能弘道非道弘人也 [川之學分心跡為内外內面是精外面是粗故托佛

金グセガノー

交に日年上島 丁 相近之性魚乎氣性善之性純乎理 許魯齊北方之學者未能或之先也劉靜脩次之 之古惟有此二人才德及之可以當此言也 用之則行於留侯武侯見之舍之則藏於靖節康節見 南浦之學其視紫陽猶孟子之於孔子也 永康之學以漢唐皆王道純以事功言也 水嘉之學之於漁洛也可謂步則步者矣 金華之學之於瀌洛也可謂金石相宣已 草木子

BP 赞數之群即性無善無不善之說也韓子說性有三品 謂性之說也蘇氏曰善惡皆出於性而非性之所有胡 荀子曰性者惡也為善者偽也杞柳柘棬之喻也楊 氏曰善不足以言性孟子道性善猶佛氏善哉善哉蓋 性有善有不善之説也後世諸説紛紜縱橫孟子 (之性善惡渾性無分於善不善猶水之無分於東 >説也達摩云我見佛性云何佛性作用是性生之 加辨可見儒書之不可無孟子

生ダルアノニ

佛氏謂一 佛言離一 離物而言性此佛氏所以淪於空寂捨罷而言道此老 從空而有幻花雖滅空性不壞此東坡言性之本旨也 Ð 今之道教近乎楊今之釋教近乎墨 操存之意也沐浴是日新之功也抽添是勤怠之節 經言鼎爐是安身立命也採樂是收精飲神也火 ,切衆生種種幻化皆生如來圓覺妙心譬如 切物别有自性不知人外無道道外無人 也

次包四草全等

7

单木子

七四

至爾 故每以返老還童為說惟安時處順哀 歐陽公云佛氏怕死故每以寂滅無生為說老氏貪生 彌近理而大亂真矣 用暴倫之外也 土初祖曰人性本善! 釼玄篇 以溺於虚無故大學 不假勤苦修行直下便是此則 乙始教所以不出於民生 不能入者惟 Ð

1:11

者也 易卦自下而上其植物之泉乎玄家自上而下其動物 司馬温公之潛虚五十五行其象以一為原川為受川 之主冬至順而夏至逆始復之道也逆順之道依乎日 陳布夷王鑰匙白法即周易圓圍之象也以二至而為 歐陽子曰易六文之文占辭也大行之数占法也凡欲 之泉乎動物本乎天植物本乎地此易玄之所以不同 為君子者學聖人之言欲為占者學大衍之數

大三日草 上写 明

单木子

生 風雲雷雨天也 占以旺相休囚死推其理 雲雷雨雪皆至半空風則薄乎天愈高愈勁 天地之間至堅惟金石爾金有 且然而况於人乎故知神仙可以久生而不可以長 .川為鑛川為基具五生數也以下為委丌為姦 **『為雙冊為冢具五成數也以吉古臧否平定其 小地也莫不有聚莫不有散** 時而銷石有 時而泐

鱼好吃吃人

消也 張子曰太虛不能無氣氣不能不聚而為萬物萬物 成變化死生之道聚皆屬之陽散皆屬之陰陰陽天 陽道日變而日生陰道日變而日消陽之變也有形陰 之大經也 之化也無跡 霖雨既霽開雲在天皆神化之糟粕矣 切生聚者陽之長也一 切散敗者除之

能不散而為太虛循是出入是皆不得已而然也知此

沙定四重全書 哪

草木子

十六

善乎實生之言曰天地為爐兮造化為工陰陽為炭兮 而晓也如月令雀入大水為蛤是羽重化為甲重也田 萬物為銅或化為人今又何足患或化為物今又何足 鼠化為駕是毛虫化為羽虫也松樹化為老人無情化 造化無全功巧其音者批其羽豐其實者嗇其花 搏由此推之理之常然者固莫論其理之變者莫可得 方言各不相通也所以傳其意通其義則一也 可以言生死之理矣可以生順死安矣 金グセグノラ 山則本同而支異水則原異而委同地理也天下同歸 常變之兆禎孽之的各有所主馬 獸各傷人而走慕容燕時有女子化為男宋徽宗時有 為虎江夏王氏之母浴於川化為黿沒於深淵漢末馬 為有情也婦人望夫化為石有情化為無情也牛良化 生人名馬異亡入於胡後漢劉聪后劉氏生一虵 人而逸凡此者造物游氣變化紛擾不可得而測也其 (生鬚度為女道士有男子生子蘇母不能收更七

灾足四軍全勢

華木子

ナ

而殊途一 胡氏曰會人物於 知人帝王之感節 矣語尤明快 正誼不謀利明道不計功董子可謂得生 **唐太宗伯仲問爾** 五德王天下之説於運祚脩短本無所 則刻深其刑以應之則害於道矣 致而百慮人事也 三代而下漢高為最昭烈次之光武 異形所同體通古今が 難後獲之句

金グレブ

1:1.1

如崩也 **飲定四庫全書** 成立之難如升天從善如登也覆墜之易如燎毛從惡 **侠聖人而不感者也** 詳於刑者有法外之遺姦秦皇是也坑儒生而得劉 張子曰賢才出國将昌子孫才族将大家國皆然也 王而不謬建諸天地而不悖質諸鬼神而無疑百世以 息百王與世而同符此所以本諸身徵諸庶民考諸三 工於數者有術中之)隱禍魏武是也殺楊脩而得司馬 单木子 項

黨錮唐之朋黨宋之奸黨三黨與天下遂至於衰亡矣 懿 於民欺矣哉 日偏長是也或者謂有道之國日行上道而長遂加賦 事繁也事繁則長日如短事簡則短日如長該云開覺 化國之日舒以長由其事簡也亂國之日短以促由其 理須是用心自有悟處管子曰思之思之又重思之 (之批國將亂也小人得位亦國將亂也是以漢之

巷二

大臣可臣とす 則餒矣 然之氣配義與道也又曰偷人膽失即行有不慎於心 易於近者非知言者也諺云心不負人面無慚色即 思之不已鬼神将告之非鬼神告之也乃精氣之極也 舉世皆夢也夢夢也不夢亦夢也夢乎夢不夢乎不夢 以出於自然者為工不以流於巧麗者為富 詩者不發其胸中湮鬱之氣則暢其心下喜樂之情故 玩是視之精索是求之至 单木子

夢之大端二想也因也想以目見因以類感 是故得失蕉鹿也物我蝴蝶也荣枯黄粱也 諺云南人不夢駞比人不夢象缺於所不見也蓋寤則 因馬而念車因車而念蓋因類而感也 神舍於目寐則神棲於心蓋目之所見則為心之所想 人不夢馳北人不夢象缺於目所不見無想也 以形於夢也 聞聞不聞聞聞不聞不聞不聞

金万四周五章

文·巴马西人的 之所以善藏其用也至於心則又所以其此理而應此 色香臭味天之所生也耳目鼻口人之所具也目知色 事者也宰制四者於中而各聽命馬此其所以官天地 目則聲色又鳥用生之哉則造化或幾乎熄矣此天地 役萬物者也故並於兩間而為三 耳知聲鼻知臭口知味此四者天人之相交也使無耳 木皆中實也而娑羅樹則中空行皆中空也而廣藤則 捕應遂真聞聞感而遂通不聞不聞湛然常寂 草木子 Ŧ

而本猶存也曰斷頭時如何曰本去則末不存矣曰立 形無聲者木石是也無形無聲者此體物而不可遺 也學者所當思也程子曰鬼神於若有若無之間斷遣 物之有形有聲者人畜是也有聲無形者雷霆是也有 去則知之矣邵子曰鬼者人之影也 實此皆因地而反生其類也 ,尸居餘氣兩頭俱脱曰打她斷尾時如何曰末 麵地蚯蚓中 斷兩頭俱跳此時安身立命在何處 岩

鱼为巴尼

1111

外分也 事外無道道外無事故事愈近而道愈切莊子曰哀莫 告子義外之論是於事上分內外却不知心不可以內 諸己此學者當辨其理也 儒佛言性之旨譬之明珠均之為蚌生也儒謂珠由內 生順死安而無容心馬至矣彼語寂滅者徃而不返 出生於蚌胎佛謂珠由外入寄在蚌胎儒本諸天佛由 命豈無其所乎曰有之存乎神神去則機息矣

草木子

Ī

成必三百六十五日零三時而交春月必三十日丑時 由土氣異也土美則人美土惡則人惡是謂之風土 冬至用陽適順行九宮夏至用陰適逆行九宮從天道 夷狄華夏之人其俗不同者由風氣異也狀貌不同者 其羞惡之心未嘗忘也 盗賊至為不道矣人苟面稱之為盗則勃然而怒可見 也天道日也 大於心死而形死次之誦之令人有生意 流行所以定時下 五行相生父子之道也相克君臣之道也毗和兄弟 道也配合夫婦之道也相得朋友之道也 桁家欲取時之上四刻天之清氣故以八干四維配之 歷家分一日八刻於十二時每時該八刻六分刻之二 而成二十四位 八字不易之定體二運流行之妙用不易所以定平 刻而交節此天道常行之數也日與天會法也

灰宅四車公等

草木子

則豹配是也每辰二禽四正之辰三禽 無牙牛無齒虎無胖免無唇龍無耳蛇無足馬無膽羊 桁家以十二肖配十二辰每肖各有不足之形馬如鼠 定立身以百年定行限以生克制化定人吉凶壽天多 驗者此亦可以見人身各具 **神猴無臀雞無腎犬無腸猪無筋** 二肖同類之屬分陰陽配為二十八星禽如虎 一乾坤也 八則無不足也

星術以七曜四餘定所遇得失以太陽定立命以太陰

通矣 以時日配六神以八宮定世應于以推人吉卤休谷成 近世上者多用京氏易以納甲配干支以生克配六親 百忌歷行其拘忌愈繁陰陽愈亂吉占愈無憑也惑世 **柔日外事用剛日及漢用寳義制伐德五日其法以六** 差数古有其説也其法最畧古惟有剛柔二日内事 家之言然與古易絕不相通矣亦以見易道無所不 甲子以上下生克推之猶未離乎二氣五行也及唐

東記写真 全島

单木子

Ŧ

de 衝破合論三 白生即八白 来数陽息也歸 理見乎數也 家遁法即白法也開休生三吉門開即六白休即 以生克制化論五星郭 **数陰消也息所以進消所** 臻其理也 非以戰勵伏降 以退此陰陽

金グセガノコモ

民於斯為甚識者取其昭然有理者可也不必盡法

又不能以意逆其所将來精至於無倫大至於不可圍 **货定四車全書** 虚 知其所亦非有心者所能得遠亦非無心者所能得近 關尹喜曰瞻之在前忽馬在後用之彌滿太虛廢之莫 莊子曰道在秕稈在尾礫在尿溺每况愈下蓋以道無 莊子曰難鳴犬吠人莫不聞知不能以意億其所自化 乎不在也 為老氏之學者其術多稔便有為我意思其髙處是清 Ţ 草木子 孟

時而貴不見當亂之世金章紫綬照耀好臺之驅平 鶡冠子曰賤生於無所用中流失船 此禪宗皆祖此 説出能作能用 自釋迦指青蓮華迦葉呵呵微笑自此示機直至達 廣成于曰無視無聽抱神以靜形將自正養氣此語最 **氏掃去財色直截無為其行超絶至髙易以動** 即是佛 性此即教外 別傳更無別旨自 | 壺千金賤亦有

すり ひかんご

明鬼 人工习证 公告 皆東傾水皆東流也故言性以實意者亦地氣有以使 也故言性以空孔子居大地之陽中國也日必先照地 佛居大地之陰西域也日必後照地皆西傾水皆西流 以寂滅為樂也徇生執有者物而不化故以長生為樂 也張子曰二者雖有間以言乎失性則均也 然軟佛得性之影儒得性之形是以儒以明人佛 氏以性為自底不涉於天不知於何處求天以小 草木子 Ī

是貪生之說也死生天地之常理畏者不可以的免貪 枯槁 者不可以苟得也 便是更不論義理所以疏通者流於恣肆固滞者歸 禪宗一達此旨便為了此一大事公案只知能作用者 ,地為幻妄有時破壞不知於何處求地以四大為假 氏之徒曰無生者是畏死之論也光之徒曰不死者 來非有不知於何處求

金分と元

137

律師有佐据禪師無榜摸 別無聖解 禪宗止 達磨曰作用是性變現俱該沙界收攝在 悟為功如日隨緣放蕩任性逍遙但盡凡心 殺塵

佛氏於性宗功夫深老氏於命宗工夫深 輪迴舉世皆言之可見佛教入人之深也此理能窮造

次至日本全等 丁

草木子

芜

飛昇有乎曰此必有術不可得而測也必也至人能之

化之理者始足語之

金クログノニ 般若經云四數乃數分算分計分喻分也 藏經云四句乃實的義句法句调句也

歌定四庫全

于部

草木子卷三

詳校官中書臣沈鳳輝

員外郎臣牛稔文覆勘

校對官中書臣王 覆校官中書臣汪學金 **烙绿盈生臣王** 璸

È

一地数百丈銷陰之 がの出来 安人也室成三年而智 原不生草木松柏之下 明 不由此也 葉子奇 精地藏空虚

秦符堅出師武庫刀鎗自鳴速主天祚親征阿骨打 |依惡惡草先生此樣歲欲早早草先生獎蔡歲欲雨 伯陽父曰陽伏而不能出陰迫而不能無於是有地震 變則静者動陽蔽則明者晚 曠云歲欲豐甘草先生世歲欲苦苦草先生時産 陽失其所而鎮於陰也昔伊洛竭而夏亡河竭而商 先生婦歲欲病病草 川竭岐山崩而周亡其國不過十年數之紀也 先生歧鼠欲流流草先生健 雨

クピーム

卷三

消息盈虚與時偕行天道也孟子曰天下之生久矣 然亦不及百年禍變亦作豈地數有限而致然耶易曰 元劉太保遷元京北城取居庸關水入城冀稍潤其土 失所之象也卒為兵禍在昔晉時亦有是異 至正未亂之先江浙大雨忽有二魚落省臺上蓋麟介 其後兵皆敗衂 鎗皆放光宋童貫出師約夾攻大遼無故忽失二認旗 亂人事也管輅曰土地您長尚有與我之運地理

文E9年在時

草木子

哉 昔元戊寅年間荆州分域有鬼夜叶云苦也苦幾時泥 到襄陽府居 者曰此江嘯也其後果先失江南 退復然亦有走不及而渰死者如是累日江復安流識 無數蓋是累年覆丹之遺物也人爭取之潮至報走潮 至正初揚子江 也由今監古氣化磁衰人事得失未嘗不相凶豈徒然 人皆聞之而不見其形及早視之口 夕忽竭丹撒皆閣於途中露有錢貨

金月四月月

晋至正六年當天下正升平司天監奏天狗星墜地血 元至正丙戌冬日色如血 今未聞之異也 不論大小皆用泥和狗猪毛離根一二尺泥之至樹分 枝處則止後又攺呌云苦也苦幾時泥到成都府蓋古

次全四車 全島 ·

单木子

於吳其光不及兩廣其後天下之亂事事皆應

丁亥春正既望月夜出無光是時庚申君天久不郊宗

食人間五千日始於楚遍及齊趙血食人間五千日終

攻剽瀕海数州朝廷終莫能制 至正九年間河内民家養蠶及熟而上 至正戊子永嘉大風海舟吹上平陸髙坡上三二十 4 久不祀蓋已怠荒矣 グピル 保生之孽 為兵之兆也 跖宜君縣孟皇村呼景賢母舅石氏養蠶三十 一数世人 1 家蠶數千 ,謂之海笑其後海寇方國珍據海為 巷 萬共結成 約共結成 如數石寶 箔

灰宝马草公島 图 果散敗是不戢自焚之應也 攻屠剪其村石氏遂滅盖保重之孽也 地夜半鎗忽自然火甚熾須臾煨燼惟金刃存其後兵 又呼家其母養醬將老醬忽唧唧有聲次年母卒 以為瑞及元末小絕兵王保保與慶陽李思齊治兵相 其豔忽變萬蠶合併為千千化為百百化為十十化為 又張思道出師二百人為一屯野宿刀鎗各作 巨生大如瓜瓠及老而簇吐條計重一十五斤當時 草木子

役徒而叛 至正十二 小麥色黑咬破視其內白如粉草木皆萌芽吐花 至正已丑冬十 雪中雷電自至正至庚寅已後屢屢見之蓋陰陽差舛 **庚寅年冬温霹靂暴雨時行衢饒處等州雨黑黍大** 氣異乎常也辛亥春其變輕癸丑春正月十 人雪者凡三四日又其甚也 年春正月二十日夜京師清寧殿火焚寶玩 月天裂天漢之傍其後卒凶河决聚 日雷 如

ラビル人

死亡日日 八島 至正壬辰間貶丞相脫脫詔書端明殿忽傾仄如倒狀 萬計由宦官熏鼠故也未幾天下大亂淮東賊毛會逼 壬辰夏四月朔日食既 宼 又辛卯年岳州府門忽自倒柱脚向天次年城陷於倪 辛卯冬至雷電大雪同至天下遂兵亂人民死者大半 都城而退 又京師齊化門東街達達一 草木子 婦人生髭鬚長一尺餘

暈成天下太平四字 亂陷饒信杭擬等州未幾尅復又為張九四所 不復再為元有昔宋末海潮不波而宋亡元末海潮 天兆其戒卒不之悟悲夫元朝之亡盖次於此 鱼分巴居石量 至正士辰癸巳間浙江潮不波其時彭和尚以妖衔為 雨粉針湖廣民家門 壬辰間江淮蘆荻多為旗鎗 知何物從何而生 一户柱壁之間有粉痕如針樣無數 卷三 人馬之狀節間折開有 西

次定四車全書 四 城未下庚申君入丞相亞麻之讒謂天下怨脫脫貶之 據髙郵韓山童男據臨滾徐貞一倪蠻子陳友諒亂漢 至正癸巳春三月月食太白是時江淮羣寇起張九四 有天下之事遂不可復為矣後亞麻慮脫脫再入相 沔丞相脫脫統大師四十萬出征聲勢赫然始攻髙郵 波而元亡亦天数之一終也蓋杭州是開潮不開是其 可不煩兵而定遂詔散其兵而竄之師遂大潰而為盗 单木子

識者知其為天發殺機也 癸巳秋大旱溪澗皆渇 甲午乙未間河北山東多隕石大或如屋陷深入地 州父老言甲午年大雨群龍皆穴地變化而出者無數 詔耽殺之後 甲午年春大雨凡八十餘日兩浙大饋是夏赤星見岳 春大風拔木 年東南州郡多陷其言不驗始杖而貶

金グロル

1:1:1

其土石皆融液而流須臾復望西飛去此又其特異者 餘洛陽有大星隕地家行數十丈草木皆焦比松山石 至正乙未年三月三日黄霧四塞日暗無光是年六月 至正甲午乙未年龍泉縣人家有 羽虫之孽也次年青田山賊陷縣治 二十日賊陷縣大掠 邊毛羽純雌既能雄鳴又解雌伏蓋氣之非亂 雞二形一邊毛羽

吹定四車全書

草木子

飛者十五里山之舊基積為深潭 她主子女皆為所據其後諸子皆為所殺 至正乙未冬湖廣雨黑雪是時倪文俊陷湖廣威順 及多道幾 伏路皆成蹊不依人行正道皆遵道侧其羸弱者走不 陜西省某縣至正十五年間 來湖廣羣鼠数十萬度洞庭湖望四川而去夜行畫 **江淮間羣鼠擁集如山尾尾相銜度江過** 夜大風雨有一大山西

負りし

處州青田山中竹生米町食 至正戊戌冬十二月朔雨雪中東方有赤虹貫於中 戊戌冬十月有兩日相擊黑光摩盪 丁酉夏六月温州没千餘家

至正十九年元京子規啼 之巳知宋室将亂况元京在洛陽北尤遠非南方之鳥 至地氣自南而北又符康節天下將亂之語豈非天 皆邵康節在洛陽天津

数也

東記日本人与

单木子

務間官少年多以事被戮是其應也 始復冬十月白虹貫日 變不虚生宜有其証後龍鳳年間多選良家子弟為湖 鱼火口厂人 **凍死按此物當春暖花香則出苦寒出非其時此變也** 庚子間太原雨雹大如數斗罷牛馬多死是時天下)亥冬盛寒之月蜂蝶競出多入人家香爐上立後多)亥秋九月晦日天甫明西南方天裂紅光燭地移 **网欲廢高麗氏太子而立雍吉刺**

於定四車全書 幸羅太子復位雅吉刺皇后以憂死幼子雪山其母家 所生幼子高麗后奔滄州太子奔太原王保保舉兵誅 也上笑而釋 至正二十二年間黄河自河東清者千餘里河魚歷歷 有代朕者羣臣復曰皇太子生子是陛下聖孫即其應 大小可數庚申帝聞之慘然不樂者數日聲臣奏曰河 取歸直北海都田地 清王者之瑞胡為不樂耶上曰傳云黃河清聖人生當 *本子

陷 如蓋大其牀椅爐卓皆從此孔入堆疊滿室人皆不解 至正丁未太原地大震凡四十餘日後又大震裂居民 其與次年張九四陷城據有東南五州之地享其富貴 **床胡椅圓爐畫卓廳旁** 餘年蓋小能容巨賤能居貴之象也 午夏平江路當午天大雷雨有 **時倒壞火從裂地中出燒死者數萬人次年太原** 室封鎖如故雷震壁破 富家正廳安置匡

街甓求活為天下笑即命北狩未三日元京遂沒 得至此殆天所以告朕朕其可留哉朕不可復作癥欽 又元京未陷数日前有一餓熄鳴端明殿上作滅國之 忽有二孙自殿上出帝見數且泣曰宫禁嚴密此物何 文武百官軍民議戰守之計運明會議端明殿及開門 朝常國公遇春等統兵至柳林去元京甚近庚申帝召 己酉冬十二月朔天裂西南 至正戊申九月庚申帝奪元京追居應昌府先三日國

次至日草公与

草木子

豈夷狄中國之陰也不於日示咎而於月數 对帝命善射者射之終莫能中 莱而拜及去使人尾之至山洞中羣猴凡四五百上命 近寺僧每日設飯飼之及癸酉還都登極羣猴相率 庚戌年岳州府羣蟻同穴無故自闘而死處處皆積成 堆其後獨岳州將臣張斌軍師大敗於潞州死 帝幼年遠貶南服舟氾清江忽有二老猴登舟獻 帝履位之後月凡食既者三其後卒於其身失國

賦兵革罕用生者有養死者有葬行旅萬里宿泊如家 其後卒有禄山之亂 誠所謂盛也夫 **庚申帝既敗而得國在位凡三十六年而亡國蓋天示** 皆惘然莫知所以盖申肖猴迎拜見祥也送死示孽也 元朝自世祖混一之後天下治平者六七十年輕刑簿 之象也在昔唐明皇酉生肖雞明皇好鬬雞兵爭象也 送餘猴數百皆去忽其中大猴卒死者三十六枚當時

大巴马馬 在西

華木子

廣江西運不通元京機窮人相食遂不能師矣魚之中 元京軍國之資久倚海運及失蘇州江浙運不通失湖 而真儒之效遂有所室而不暢矣 及施治於天下深仁累澤決於元元惜乎王以道文統 行吏道以雜之以文案牵制雖足以防比人恣肆之姦 大抵北人性簡直類能傾心以聽於人故世祖既得天 卒賴姚樞牧卷先生許衡魯齊先生諸賢啓沃之力 父世上月月 -蝗野無遺育人無食脯蝗為粮

次已写真公島 羽 國将亡而妖孽見蓋其理也 蜿蜒而走将及一里許而止間一年所管小室亦賣家 嘉與府海鹽縣故富家趙君舉及衰替别營一小室以 **琨起日此非惡聲也遂起而舞即此事也** 隐後南陽果陷蓋初更啼即為荒雞祖逃聞雞聲蹴劉 荒雞也不久此地當為丘墟天下其將亂乎遂奪官而 南陽府應訪無事保保巡按至彼忽初更聞難啼曰此 居落成之日宰猪為享禮猪小腸皆脩治忽起地如她 草木子

雖刻畫莫能及凝然至晚方散後帝師以國事不振奔 遂昌縣徐孟芳母舅見沙洲一石自行自走異之遂拾 妖也次年縣中官民俱灾 以歸後碎之實石也他無所有恐至隂生陽之兆也 處州府遂昌縣畫忽有大聲如鐘自天而下無形蓋鼓 飾武備以脩文德兩盡其道古之教也元朝自平南宋 **元京未陷先一年當午有紅雲一朵宛然如一西番塔** 其國其教遂廢蓋其物象見祥也

金がせたる言

於不振也 佚自奉而巳至於武事畧之不講但以飛觞為雅砲酒 在後有李致甫羅天倫之變國力猶全尋皆於滅至正 **庚中帝初年秦王伯顏為政變亂舊章江西有朱光卿 元初有王華 蔡五九等之亂旋致勘定** 久矣及乎天下之變孰能為國介牙哉此元之所以卒 令為軍令內陣為軍陣謳歌為凱歌兵政於是不脩也

之後太平日久民不知兵将家之子累世承襲驕奢淫

次宣写車全等 四

单木子

生

戊子間海兔方國珍始為亂先是蔡亂頭剽刼海商始 海運之梗招安之即陷之以海運千户及既定瀕海之 玩忽歲月方遂入海為寇官兵皆不戰而敗朝廷恐為 懸格命捕之方為台之楊氏人幕賞功官爵募衆至數 參政字羅元帥董摶霄率兵加討兵未交皆先潰都萬 民共憤之與萬户蕭載之謀襲殺之不果又叛朝廷命 千人時台州総管焦縣等約蔡之縣薄其罪而不加誅 イクロル 為所獲方拘置舟中使求招安都故出高麗后位下 1.7.1

起矣 請托得行遂特旨釋之進爵已拜祭矣嗚呼過方食官 云楊氏青出賊精其初亦欲向功為國宣力後失賞逐 方國珍台之寧海人其居有山在中曰楊氏當有童謠 而不刑刑賞之柄既失紀綱於是乎大壞而中原之寇 既失之於始中宮寵后又失之於終當賞而不賞當刑

次已日日 A B

草木子

出您言曰蔡能為盗我豈不能耶遂叛生平力能走及

奔馬與弟國彰國英姪亞初同為亂朝廷屢招國珍為

北人目為臘雞至以相警話蓋臘雞為南方饋北人 尚猶與之及後求之者衆亦絕不與南人在都求仕者 司徒弟姪皆平章院判矣 物也故云及方寇起瀬海豪傑如蒲圻趙家戴綱司家 天下治平之時臺省要官皆北人為之漢人南人萬中 陳子游等傾家墓士為官收捕至兄弟子姪皆殲於盗]後有納栗獲功二途富者往徃以此求進今之初行 一其得為者不過州縣早秩蓋亦僅有而絕無者

金ダビル

4

卷三

欽定四車全書 N 填給人已不榮之矣嚮使用於初亂之時宣復有寇如 從中報告抱怨望其後盗塞家區空名宣勃遇微功即 之刑赏倒施何其謬哉嗚呼爵命之設上以尊有德下 此昌熾何其始之嗇而終之濫耶且功則不與賊則與 使招權非得数干緡不與行遣故有功無錢者往往事 **矣又獲功之官於法非得風憲體覆牒文不輒命官憲** 招官已至極品矣於是上下解體人不向功甘心為盜 手卒不沾一命之及电膏吞賞至於此其大盜一招再 草木子

亦竟不與可為太息昔漢陳豨反代地髙祖即白見千 方之初亂有宣數道物十數道懸以購人立功及有功 平之時無所垂名欲立事功於世首勸脫脫丞相開 徐州盗韓山童叛先是至正庚寅問祭議賈魯以當承 户者四人以慰趙父老可謂知用天下之機 以待有功此豈人君私器而專用私人也哉後之有 下者可以監矣太史公曰存亡在出令信夫 水田務民屯)種脫脫從之於大都開田以試之前後 Ţ 卷三

都城遂止又勸其造至正交鈔楊幣麻惡用未久報腐 河决南行又勸脱相求夏禹故道開使北流身專其任 所費凡十数萬錠及開西山水間灌水山水迅暴幾壞 处巴山里公島 眼鐫其背曰莫道石人 不盡支河夫多怨韓山童等因挾詐陰鑿石人止開 河起集丁夫二十六萬餘人朝廷所降食錢官吏多 河道埋之掘者得之遂相為騰詫而謀亂是時 不堪倒換遂與至元實鈔俱澁滞不行物價騰貴及 草木子 一隻眼此物一出天下反預當

南富跨塞比盖以宋廣王走崖山丞相陳宜中走倭托 月從之者殆數萬人以趙宋為名韓山童詐稱敬宗 金分四月月十 世孫偽詔畧曰總王璽於海東取精兵於日本貧極江 **承平已久法度宽縱人物貧富不均多樂從亂曽不旬** 雖擒獲而亂階成矣及既定下詔降徐州路為武安州 此説以搖動天下當時貧者從亂如歸朝廷發師誅之 後其黨毛會田豐杜遵道等復奉其子為主冠掠汴汝 泗之間死者成積中原丘墟 卷三

斬州盗徐貞一叛先是瀏陽有彭和尚能為倡頌勸人 戰守始退敗 粮食人既盡復陷一處故其所過亦地千里大抵山東 汝寧盗韓山童男陷汴梁僭稱帝改韓為姓國號宋改 徒遂衆徐本湖南人 念彌勒佛號遇夜燃火炬名香念偈拜禮愚民信之其 河北山西兩淮悉為殘破毛會等兵已犯闕王師極力 **元龍鳳分兵攻掠其下有劉太保者每陷一城以人為** TE 八姿狀雕厚無他長生平以販布 草木子

设定四車全書

鹽塘水中浴界見其身上毫光起眾皆為其遂立為帝 黄州黄陂其生之夕母夢有白虎入室遂生及徐僭號 徒存空名爾後其臣偽漢王陳友諒下兵攻臺謀篡位 城池多陷没開蓮臺省於斬春然資性寬縱權在羣下 業往來斬黃間及妖彭衆欲為亂思得其主一日徐於 沔陽盗 倪文俊 號 璧 子聚衆從為亂倪世以漁業居 反於斬春天下響應東南遂大亂湖廣江西江浙三省 乃勒死於采石

故多克捷所至殺害掳威順王諸子妻其妃子庚申帝 又有大官人當吾手中死不知乃自己應天象也嗚呼 虎死逐遇戮又一二日前有大星落蠻子舟前蠻子曰 據然驕恣不撫其下後竟為其下所殺前夕母復夢白 荆鄂潭岳黃斬禮六常德寶慶江虔洪信等州皆為所 特降詔招撫然亂端已成俱無所及王諸子竟為所殺 盗使之為亂以禍天下而亦內符母夢上應天

倪為偽相用多樂船疾如風畫夜魚行湖江出人不意

通汝寧守官某執馬不聽其行即拔佩刀欲斫之曰我 汝寧餘寇尚熾丞相脫脫命其弟中臺御史大夫野先 至今尚居漢川縣畊稼為業富於牛田 及蠻子誅文郁亦見殺獨季弟倪七不從亂亦不及禍 **象也豈徒然哉其弟倪文郁同亂後封長沙王鎮岳州** 不花董師三十萬討之至城下與賊未交鋒即躍馬光 率為盗有脫脫匿其敗反以捷聞既而西臺以文彈劾 不是性命遂逸師遂大潰汝寧不守委積軍資如山

敏定四庫全書

处已日臣 公子 髙郵盗張九四叛至正壬辰 年朝廷命脫脱丞相征之 未有不敗其國者也後之為人君者可不監諸 琯為相用琴士李廷蘭為將使拒安祿山喪師四萬王 國忠為相任鮮于仲通為將使征雲南喪師一十萬房 介甫為相命門客李復主為將使攻西夏永浴城丧師 亦數萬是皆取非才於親暱皆由君不知將將不知兵 也嗟乎命将不於其才惟於其親此其所以敗也昔楊 单木子

脱奏臺憲不許建言違者坐罪此則脱脱欺掩之私

得其下之心當時鹽丁苦於官役遂推其為主作亂朝 僧以公鹽夾帶私鹽並緣為茲利然資性輕財好施甚 中散其兵兵遂潰張廼陷平江盜賊附之如蟻其黨遂 日不得総兵官命令如何報自先登召其還及再攻之 廷命脱脱討之王師號百萬聲勢甚盛衆謂其平 剽掠淮汴間朝齊暮趙朝廷不能制張為鹽場網司牙 刻及抵其城下毛萌蘆軍已有登其城者矣疾其功者 ,幾下詔貶脫脫師遂潰叛乙未張汎海以數

金灯巴屋

ا

庚子歲偽漢王陳友諒殺其君徐貞 冠湖廣皆屬徐冠惟此兩枝為盛 山東有田豐襄陽有旅張岳州有發張安慶有雙刀趙 其後天下處處盜起陝西有金花娘子江西有歐道人 地 官至司徒自號成王據有平江嘉興杭州紹與五路之 四川有旻眼子各據州郡此其大者大抵江淮皆屬淮

陷平江路海運遂絕後朝廷力不能制以詔招之累

九巴口巨 四

单木子

Ŧ

僧號曰漢改元大義引兵攻臺大敗而歸管江州為都 復謀殺之事泄見殺於是大權悉歸於陳封偽漢王欲 聖廟先是徐雖為君權皆在倪蜜子友該其所部也倪 專兵為衛既殺倪殺徐遂謀為帝既敗於建康復棄江 友諒原沔陽人承平為縣貼書及從為盜弟兄四五人 兵收臺兵至采石謀稱帝而後下兵遂遣其黨殺徐 而通回武昌於是洪虔古賴衣瑞撫饒皆歸建康 丞相頗驕恣待其下無恩陳因與其黨襲殺之其黨 k

金少以四百百

亡重慶盗是眼子僭號稱帝國號大夏改元旻先沔陽 圍 次足马車公馬 卒其下復立其子為帝襲位居武昌改元德壽臺兵攻 者六七萬人兵既不支欲退出至湖口為流矢所中而 四川陷成都殺戮既盡退居重慶陳矯徐命使會兵建 兵至合戰番陽前後相持者八十餘日大戰者五六 地益壓竭力制舟師謀圖報復合兵攻隆興久不 年不拔潑張以潭岳兵赴援兵敗見執遂俱降國 目為巡司弓兵牌子頭隨倪蠻子為盗分兵攻 草木子

七月四川破遂同其母俱降其後母召入宫以海舟 思齊隴西則思道太原則王保保汴梁則太子開撫軍 為冢牢事好專之小是主擁虚名而已辛亥臺兵攻之 所殺其妻復圖殺其第立其子為帝襲位以其黨戴牌 康既而愤陳之殺逆竟引兵歸曰汝能為帝 元朝是時長淮以北尚皆晏然山東則王信陝西則李 ,吳主同德壽陳少主去髙麗飄飄然入於海矣 耶據有全蜀之地絕不與陳通居位六年後為其弟 我豈不能

金グロムクラー

Ξ

保輕兵襲之時庚申帝已於其年四月二十有七日以 崇禮侯庚中帝棄元京出居應昌府己酉嵗都督李保 妻子被俘亦出降張思道等皆降秦雕悉定頃以皇孫為 遂至太原王保保不支亦通西指潼關李思齊通既而 中帝追不三日元京陷直超山西至澤潞臺兵稍失利 保欲叛詔削其軍權九月臺兵北行處處皆望風崩潰 司以総之既而諸將積不相能至戊申七月共讒王保 一戰王信首以山東降兵竟攻東昌遂檮京師庚

次已习巨人后与 啊/

草木子

膽 楚越此古聖人所以視天下為一家中國為一 嗚呼治天下之道至公而已爾公則胡越 善長言其人物魁梧可用上疑其結黨皆殺之辛亥攻 副之山東降有降將百餘名皆樞密院判之類丞相李 四川平之偽夏旻氏母子降天下混 元朝自混 有掌符實郎以歷代靈草凡四十餘顆降上以其不忠 疾崩皇太子獨脫身走去而皇孫就擒 以來大抵皆內比國而外中國內比人

重发电压

ノニー

次已日起在馬 輕信降寇為田豐之所嚴殺其子王保保殺田而代領 城郭丘墟積骸如山後來雖命李察罕收復河維不幸 是以王澤之施少及於南滲漉之思悉歸於比故貧極 外南人以至深閉固拒曲為防護自以為得親疏之道 寇誨盗於韓冠獎亂於野先敗事於荅麻而天下之勢 歸於南於此可以見來除勝復之理也故自慢藏於方 江南富稱塞北見於偽詔之阶云也迄今天祿之遷盡 十巳去七八矣於是山東西河南北淮左右皆為冦壤 单木子 Ī

井田之法非獨為均田制禄而已蓋所以陰寓設除守 幸矣 以峻導毒劑繼之哉縱無外冠尚且丧亡况臺以百萬 易太子譬之羸病之人日以粥藥扶較循恐不濟况復 其衆糧匮師驕不相統 之兵振之哉其能淹延數歲直至戊申而後失國亦云 /意故中原平衍設立許多溝滄許多阡陌使由 雜制篇 李羅又生內變稱兵犯關謀

金发化五人

D. 火巴の巨公馬 歷法斗建天 t 兵法始於黄帝而井田亦始於黃帝 在蜀於天水軍作地網以阻金兵之 圖亦出於井田公田即中軍也私田八家即 ~觀晉都克欲使齊人盡東其配以便戎車吳玠 Į. 不得轉其足故也豈非寓至險於大順之 日辰日行也八宿是也斗 孟

無數更之獎及秦滅先世之術置閏於歲終古法殫廢 歷自上古黄帝以後莫不隨時考驗以與天合故歷法 順天而西行日逆天而東轉斗日互行至復會於元分 美由漢而下以積 年日法為推歩之準 以至於今夫天 金分四月白言 理差而必改其勢有不得不然者乃命改造儀象日測 所以為一 **>流行而不息欲以一定之法拘之未有久而不差之** 以與天合庶永終無獎元詔 歲故曰天周歲終此歷之大綱也 卷三

漢太初歷凡十九年七閏為一章章者至朔分齊閏無 大巴马自己的 謂之至朔同日第二十年為第二章首復得至朔 統閏朔並無餘分但非甲子歲首也凡三統二百四十 餘分也二十七章五百一 歷亦以初年中子日子時朔旦冬至在歲次甲子之首 又值甲子歲首也此楊子雲擬之以作太玄也唐太衍 三章四千六百一十七歲為一元至是閏朔並無餘分 一終也凡三會八十一章一千五百三十九歲為 单木子 十三歲為一會會者日月交 三

中子日之先期夜半但非甲子歲首耳總三紀積四千 至朔同於癸未日午時第五十八年為第四章首至朔 然非甲子先之期夜半乃是癸卯日卯時第三十 日子時因其至朔同在夜半 復同於癸亥日卯時第七十七年至朔又復同於癸卯 五百六十年至 六年名 部名曰一紀計一千五百二十年必然至朔同 |部部者酸暗昧之時也凡四章為|部終 一朔同於甲子之先期夜半又甲子歲首 -與初年第一章同遂以七

金灯四月月

卷三

過 **筹将來加一筹始為精密又隨時以儀象** 自古歷多用一定之法故未久而差由不知天為動物 總會如初名曰一元此僧 而嵗亦畧有差也古歷雖立差法五十年差一 定歷名曰授時取堯典敬授人時之義 多不出此一家之衔也 小精密元朝以八十 百年差一度又不及七十五年差一度稍為近之 年而差一度第已往減 行推之演大易也歷說雖 一度又太

处已日年公告

草木子

į

玲瓏儀鏤星泉於其體就腹中仰以觀之此出色目人 矣 以差元朝立四丈之表於二丈折中開竅以量日景故 屋背中間開一員竅以漏日光可以不出户而知天運 金分巴尼白雪 銅漏之外又有燈漏沙漏皆竒製也 表長而晷景長尺寸縱有毫抄之差則少矣 歴代立八尺之表以量日景故表短而晷景短尺寸易 元朝立簡儀為員室一 一間平置地盤二十四位於其下

之制也 豈知我為正變倍半皆算家命之爾故古之鍾律者以 猶之方田馬田生五穀豈知我為圭箕弧環律知五聲 殆因律琯有長短此筹家因律以命術非律以命筹也 見古人於小事亦有法也 更有五更更有五點前後多寡相補其數相齊此可以 九熊朋來律論黃鍾流行諸律本無間斷也等法之起

於定四車全書 四

耳齊其聲後人不能始假數以正其度雅樂之不可

草木子

辛

諱法自周以前無之至周公立制人生既冠以字易名 倍用變各有倫理凡以羽翼蔡氏之書非求異也 **等家內周非空中容九方分律有半吕有倍使有半周 聲音之不可傳也** 泰命於律律不命於泰吾於箕法亦云又謂空圍九分乃 及有爵者死而定益則固以彌文矣後世遵之其法愈 改維名野難人患难者名野難疾晉宣帝諱昭改 如始皇名政改正月之正音征至今不改漢吕氏諱 卷三 欠日日日日 甚以為意也初不害其為尊以至士大夫間此禮亦 朝起自漢北風俗渾厚質樸並無所諱君臣往往同名 祖諱然後接談真無誤犯歷代諱法之嚴如此至於元 歌曲皆逐一刊定回避然後呈進及入人家皆先問父 後來雖有諱法之行不過臨文略缺點畫而已然亦不 大排凡所招親廣則改請其三代名諱筵中倡優雜戲 草木子 千八

父偏名為諱昌黎韓文公至為作辯諱宋有禮筵名曰

穆為招移至唐李賀父名晉肅謂賀不當舉進士犯其

甚講 金灯口厅台電 歷代多崇嶽號褒美多至十餘言以上皆後世群臣之 卷 ≟

不害其為有道之君至周公旦始立諡法諡其父兄為 尊諛也後世人誰誦之初亦何益如堯舜禹湯無諡初 行以定名如幽厲無道加諡以惡雖孝子慈孫百世循 文為武止特 ,字而已當時諡法之行亦出於公皆及

不能改何則以公也及始皇奮其私智一

一華諡法謂

不可以議父臣不可以議君直以賢聖自居何

則實出

萬錠濟怯憐口站户之乏庚中帝下詔曰有臣如此宜 至元朝秦王太師潜行不軟欲要譽於天下以私錢十 自周立謚至諸侯卿大夫皆有之歷世遵行廼其常 字最多至為無謂元朝此等皆絕而不為及死而始為 火巴马拉公子 明 極發嘉加以美稱凡十四字此又古之大臣所未有也 於私已也漢諡尚少亦死而定名至唐而生加美諡至 亦可以為法也 之諡亦止於 一二字而已初不掩其行之善惡是非此 单木子 千九

墳至傾天下之財以滿藏郭至盡後官之女以殉埋葬 發掘形體暴露非徒無益蓋有損馬元朝官裏用院 此又殆九錫之漸者乎幸而未幾事敗而隕此則權 墳土未乾而國丘墟矣其他如漢唐宋唆寢埋殉貨物 歴代送終之禮至始皇為甚侈至窮天下之力以崇 金ないたとう 編命元朝之變例也 片鑿空其中類人 多如漢用即位之年上供錢吊之半其後變亂多遭 合為棺置遺體其中加報

人巴可臣 公吉 嘗讀酉陽雜組書見其記漢禮天子臨朝赞者云天子 宋之問始 典也夫葬以安遗體遺體既安多貨以殉何益 埋之則用萬馬蹴平俟草青方解嚴則已漫同平坡無 為宰相起去則臨軒送之御史大夫大将軍三公之官 山呼漢制也自武帝祀嵩岳始舞蹈唐制也自武后賜 復考誌遺跡宣復有發剧暴露之患哉誠曠古所無之 草木子 丰

漆 畢則以黃金為圈三圈定送至其直北園寝之地深

世益以陵夷也 聖者非孔子無以法所謂祖述百王師表萬世者也 制尚未盡廢後世之待大臣直奴僕爾直牛羊爾三代 金分四月百十 歴代累封孔子為至聖文宣王元朝加大成二字於其 ||詔辭略曰先孔子而聖者非孔子無以明後孔子而)時天子當宁而立以朝羣臣未至偃然以臨其下後 此等體貌大臣之禮漢遵泰尊君臣早之 卷三

交色日年 在等 心曲領王珮珠履是華隋而用漢也此則公裳 用金帯紫羅袍六品七品用緋袍八品九品用綠袍皆 朝服一品二品用犀玉带大團花紫羅袍三品至五品 領金服也帽子緊腰元服也方中圓領明服也庶民用 紗帽圓領唐服也仕者用之巾笠襴衫宋服也巾環碟 冠朱衣漢制也候頭大袍隋制也今用蟬冠朱衣方 ·授省割則用檀褐其幞頭皂靴自上至下 草木子 圭

織蓋授宣者用褐羅授物者用青羅 用渾金線為納失失或腰線紡通神瀾然上下均可服 同也 等威不甚辨也 官民皆帶帽其簷或員或前員後方或樓子蓋班鍪之 金グビルる言 制也其髮或辨或打紗練推庶民則椎髻衣服贵者 詔信州路龍虎山三十六代張天師朝京錫以金印)服帽則金其頂襖則線其腰靴則熱其頂 卷三

宗師留董下真人丘長春能燒金佐世祖軍國之用以 封留國公主領江南三山符録道教事真人吳開開為 取大易大哉乾元之義國號曰大元取至哉坤元之義 た己り声とう 回教頭陀教不合不過各自有宗 立樞密院以掌兵要立御史臺以糾彈百司世祖嘗言 元太祖起龍朔破大金世祖得襄陽平南宋天下 功封以金印主全真教於其外又有白蓮教滿摩教回 -號曰至元設經陳紀以垂後世立中書省以總庶務 単木子 Ī

立臺之旨歷世遊其道不變持國正論謂之臺綱後世 秦王伯顏為相即用其兄子脫脫為御史大夫幸脫脫 為相即用其弟買里古思為御史大夫太平既敗繼用 而國論遂大不正矣自庚申帝御極太平王熊帖木兒 漸狗私情謂非親不舉非讎不彈執此之論反謂當然 聽其館客吴行可之説發其逆謀秦王貶死遂以功命 書朕左手樞密朕右手御史臺是朕醫兩手的此 為御史大夫及脫脫

金角巴月百十

為墟也 たとりをとら 养操懿温之倫居之元之為元巳不逮順帝而後宗社 狗防姦之意幸其才智短批謀不建心旋致敗滅嚮使 史大夫當時國事已去矣嗟乎世祖設是官本以防權 贬答麻矯詔醜之遂以答麻為相即用其弟雪雪為御 元中臺建於大都西臺建於陜西南臺建於建康其餘 姦膠固黨與盤結之患使之有所防範擊刺以正國勢 及其末世省臺要任廼旨萃於一門殊失養猫捕鼠畜 草木子 Í

自張赵嚴始緱山以德業舉起嚴以人物舉 民瘼 此其異也 鱼万里月月日 一設康訪司隸於三臺每歲巡歷州縣糾察官 品衙門用三臺金印二品三品用兩臺銀印 臺為御史大夫者自陳 無山始開科為狀元 制 骓 入小不同皆用銅其印文皆用 **書惟宣命之寳用玉以玉筋篆** 卷三 韵

品為物色以亦雖其乎古之語物用織綾亦甚簡古而 ここりら 制 **火帽姑姑高員二尺許用紅色羅蓋唐金步** 架閣起新君立復自作 費約可尚也 元君立另設 元朝后妃及大臣之正室皆帶姑姑衣大袍其次即帶 元之宣勃皆用紙 b 1.1.5 £/ 帳房極金碧之盛名為幹耳朵及崩即 品至五品為宣色以白六品至九 や木子 幹耳朵 盂 /搖冠之遺

皆內朝之時則所幸者具禮服謝恩掌宫者即書其姓 敏定四库全書 名他日有子以為驗 制也與趙宋之法不同宋後官無三日之制但遇幸 元朝正后皆用雅古刺氏自太祖與其族帳設誓同取 正后之下復立兩宫其稱亦曰二宫皇后三宫皇后三 天下世用其女為后猶契丹有國世用蕭氏為后也自 輪幸即書宣以召之的有子則為驗遵大金之遺

書省在外為行中書省按歷代疆理天下三代分天下 戶已可戶 A. 方面 長民風淫遂定都熊之計 元分天下為十一省二十 三道每州皆為路在內為中 耳兩處何為最佳劉曰上都國祚短民風淳大都國祚 下約日我男長為帝汝女長為后 元世祖既一天下問劉太保曰今之定都惟上都太 元朝人死致祭曰烧飯其人祭則烧馬 之不成仕宦元為札刺兒氏太祖與雅古刺氏同取天 華木子 葦

花猶華言荷包上壓口捺子也亦猶古言總轄之比 縣之治判者則用正官在府則総管在縣則縣尹達爲 之軍每歲第遷口糧府縣關支而各道以宣慰司元帥 元各路立萬戶府各縣立千戶所以壓鎮各處其所部 **元路州縣各立長官曰達魯花赤掌印信以總** 下為四京三十三路此其大略也 三部一 九州或十二州秦分天下為三十六郡漢分天下為 一百六郡晉分天下為十五道唐十道宋分天 府

面为四月全書

卷三

元世祖定天下之刑笞杖徒流紋五等笞杖罪既定 總之 笞四十七合杖 定亦不加刑皆老死於图圖自後惟秦王伯顏出天 天航他 之中矣 頭輛相驚駭可謂勝殘去殺黎元在海涵春 加刑故七八十年之中老稚不曾觀斬 下地饒他 百十 止杖一百七天下死囚審敲尸 我饒一 下自是合笞五十

たこう豆

1.7

草木子

慮其多殺以煩民也 迎引大開宴賀至庚申 比草青則駕幸上都以避暑頒賜於其宗戎馬亦就水 元自世祖以來凡遇天壽聖節天下郡縣立山棚百戲 元惠民有局養濟有院重囚有糧皆仁政也 元世祖定大與府為大都開平府為上 每歲往來於兩都間他無巡狩之事山岳河海惟 月草将枯則駕回大都自后官裹歲以為常 帝當誕日禁天下屠宰不宴賀 都每年四月返

一多定四月全書

其威也 元朝行移文字其正書則自前而後蒙古書則自後而 **元西域胡僧八思麻知緯候佐世祖定天下制蒙古字** 以七音為本特定一代之文封為帝師詔尊之曰 (雨寳花今天下郡國皆立帝師殿其制 下萬人之上西方佛子大元帝師卒)禮欲以震耀古今然亦莫掩 同文

大三司匠 二十

单木子

Ī

其俗有十 宗所制大晟樂也曲宴用細樂胡樂駕行前部用胡樂駕 前畏吾兒字則 則郊祀天地祭宗廟祀先聖大 用清樂大樂其部隊遊依金制駕後用馬軍 相而 則脩大駕而用益 舞 六天魔舞盖以珠瓔盛節美女十六人為 坊司掌 横書別立譯史 其餘巡行兩都多用氊 朝會用雅樂盖宋

動员四周全書

卷二

索踢弄藏概等伎 换遂海滞不行及兵亂國用不足多印鈔以賈兵鈔賤 獨至元鈔法通行用以權百貨輕重民甚便之至正問 子子母相推而行中統二貫準至元二伯文一貫準至 元世祖中統至元間立鈔法以至元寳為母中統交為 次已日華全事 一 以求名於後世別立至正交鈔料既窳惡易敗難以倒 相脫脫當承平無事入都臣賈魯之說欲有所建 伯文行之四五十年中統以費工本多尋不印行 单木子

善也由後世變通不得其術也元之鈔法即周漢之質 鹽立得使鈔法如此鳥有不行之患哉當今變法宜於 權錢及當衰叔財貨不足止廣造搖幣以為費格幣不 **劑唐之錢引宋之交會金之交鈔當其盛時皆用鈔以** 物贵無所於授其法遂廢嗚呼益嘗考之非其法之不 法須使錢貨為之本如鹽之有引茶之有引引至則茶 府縣各立錢庫貯錢若干置鈔準錢引之制如張泳四 足以權變百貨遂溢而不行職此之由也必也欲立鈔

金灯口压石量

飯定四車全書 行所以刑愈嚴而鈔愈不行此元之所以卒於無術而 觴之忠矣此其理也當時不知徒知嚴刑驅窮民以必 所出之溝既塞則水死而不動惟有漲滿浸淫而有濫 池之水動蕩流通而血脈常活也借使所入之溝雖通 行之理也譬之池水所入之溝與所出之溝相等則 之時收之於貨重之日權衡輕重與時宜之未有不可 為母以引為子子母相權以制天下百貨出之於貨輕 川行交子之比使富室主之引至錢出引出錢入以錢 草木子

古也 當五以蒙古字書小錢以楷書及至正官裹脱脫為相 正至今百有餘年畧無訛外其法誠為不刊之典 立賓泉提舉司鑄至正錢值世道變尋亦能鑄參較改 元朝止行鈔法而不鑄錢獨至大官裹行至大二等錢 以無穀批乃虚文又何以行之哉 元朝至元寳鈔凡十等 又如富人糶穀以給批行批得穀其批行矣貧人給批 とこっ 九三日巨 Lim 買引就各處鹽場支鹽後鹽積而不售均派户口收買 煮鹽至十月結場住煎及額而止鹽商於各省府運司 **兀世祖立鹽法瀕海州郡立場差官主治差鹽亭戶** 鋑 壹拾文為半 贯 壹贯為五兩 伍箇貳貫為錠 伍拾文為二錢半 叁伯文為一 贰拾丈為一 貳貫為十兩 贯五錢 壹伯文為五錢 伍伯文為二贯五 叁拾文為 伍箇壹贯為半 貳伯丈

草木子

四十

茶以行批驗所驗引無數即放行至賣處收稅 皆踵行之計其利於軍國之資略於其半唐宋及元因 煮鹽以雷國及漢武始立權法為牢盆之制自是歷代 縁為姦民甚苦之敬然皆言其不便事尋罷復令富商 令其入錢縣官收市其中貧富不等皆令入錢吏胥並 之有加無瘳大抵率由養兵多而資費廣故不能革 元朝於江西及湖廣立提舉司使之產茶路分賣引照 市嘗及歷世鹽法在夏禹時惟止入貢至齊管仲始

金万四月月十

慶以法誅之而海運自後歲以為常及張九四據有 其自印鈔色比官造加黑印朱加紅富既将國處其為 元京四五月南風至起運得便風十數日即抵直沽交 鳳團費則約美民間止用江西末茶各處葉茶 穴遇造茶則出造茶**畢即**竭矣比之宋朝蔡京所製龍 欠己可臣 dates == 卸朝廷以二人之功立海運萬戸府以官之賜鈔印 御茶則建寧茶山别造以貢謂之吸山茶山下有泉 **元海運自朱瑄張壁始嚴運江淮米三百餘萬石以給** 草木子 四十一

酒法用器燒酒之精液取之名曰哈刺基酒極醲烈其 遣使馳驛起船馬有劄子小事文書以舖兵傳送 傳命陸有馬站水有水站州縣凡十里立一 西而海道又有方國珍運道遂梗而國已不國矣 即水凌而腹堅矣其久藏者中有一 太行山中辨其真偽真者不氷傾之則流注偽者雜 水而此不水蓋蒲萄酒之精液也飲之則令人透胶 如水蓋酒露也每歲於其寧等路造蒲萄酒八月至 **塊雖極寒其餘旨** 一舖大事

金少せかる言

大巴马和白馬 則平禮尊者賜平者進接盡半跪退三步全跪飲其尊 貴於金寶為犀利王公貴人皆佩之 卓於兩極之間把蓋則三跪謂舉蓋至尊者前半跪退 比人茶飯重開割其所佩小篦刀用鑌鐵定鐵造之價 延席則排卓五蘇五東五按酒置壺瓶臺盞馬孟於別 之法酒古無有也 死二三年宿蒲萄酒飲之有大毒亦令人死此皆元朝 /執臺全跪俟尊者飲畢起進前接蓋又半跪平交 单木子 罕

豆腐 皮馬特皮之類其餘賓用前手後手之類或寫則用胸 挈設蓋茶飯中之體薦也胡語言挈設上賓則用羊 以衣馬華侈相高 方有許馬筵席 割擊設而散酒行無第 一賓餘賓多寡隨分 相齊同跪接蓋退蓋不敢復還尊者湯食非 最其筵之盛也諸王公贵戚子弟競

金月四月月月

卷三

答刺吉酒自元朝始 **使已四年全書** 經也糖霜始於宋自蜀遂寧州人貢宣和始於